

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rudolphi Goclenii Exercitationes et disputationes ethicae & politicae

Goclenius, Rudolph

Marpurgi Cattorum, 1601

CXVI. An omnes calumnia sint resutanda?

[urn:nbn:de:bsz:31-109121](https://nbn-resolving.org/urn:nbn:de:bsz:31-109121)

Conclusio repetitio sit propositionis exceptione limitata seu restricta. Pudeat igitur adversarios amentia (non enim omnis error stultitia appellanda est) quod negant injuriam propulandam, seu vim vi repellendam, etsi moderatio inculpatæ tutelæ adhibeatur.

CXVI.

An omnes calumnia sint refutanda?

Distinguitur.

CALUMNIA est, vel innocentem falso criminari, vel benè aut mediocriter dicta in malam partem interpretari, aut falsum etiam iis aspergere & attingere. Quæ cum candore pugnant. Ad quæstionem autem per distinctionem respondeo: Calumniæ sunt vel notoriæ, vel populares & plausibiles, quæ à Græcis vocantur *πειθαυολογία*. Notorias seu manifestas, quas ipsa experientia convincit vanitatis & impudentiæ, refutare inanis labor est atq; irridendus. Sic Christus nihil respondit ad convitium Samaritani, Joan. 8. At verò illas, quæ sua specie hominum animos acerrimè commovent, & quadam voluptate impellunt (audire enim calumnias dulcè admodum est) quæque nostram professionem deformant, ea refutemus, & quidem modeste, ne cum adversariis petulantiæ linguæ certare videamur. Præclare enim quidam dixit

xit veterum: Duo sunt tibi necessaria, Conscientia & Fama. Conscientia propter te: Fama propter proximum. Qui conscientia suae confidens, famam negligit, crudelis est.

*Qui famam neglectui habet, crudelis habetur,
Tantum sua confusus conscientia.*

CXVII.

An sit semper conjunctum cum injustitia: exigere de aliquo pœnam alieni criminis?

Negatur.

TANTA nonnunquam sceleris admissi est gravitas, enormitas & execratio, ut nõ sit absurdum & iniquum exigi ejus pœnam ab eo, in quod scelus istud non cadit. Si quis cum jumento (quod ratione destitutum est) coëat, non solum qui hoc facinus detestandum perpetravit, sed ipsum quoq; jumentum igni traditur: Levit. 20. Joluæ 7. non solum Achan punitur, sed & liberi & boves ejus igni subjiciuntur. Genes. 3. Deus serpenti, quo ut instrumento abusus est Satan ad hominem in peccatum demergendum & perdendum, pœnam infligit execrationis. Sic pater gladium, quo filius occisus est, execrationi habetur. Sicut enim rectè amatur & in honore habetur felicitatis alicujus organa, cui cuimodo illa sint: ita rectè exitii instrumenta, quæcunque illa sint, unà cum authore, id est, principe agente